

KINGDOM WOK BLONG YUMI

JULAE 2012

WIK WE I STAT LONG JULAE 9

Singsing 78 Mo Prea

❑ Baebol Stadi Blong Kongregesen:

gt japta 96 (25 minit)

❑ Skul Blong Trenem Yumi Blong Tij:

Baebol riding: Esikel 11-14 (10 minit)

N. 1: Esikel 11:14-25 (no bitim 4 minit)

N. 2: ?Wanem Mining Blong Jon 6:53-57?—rs-E pej 263 ¶3-4; rs-F pej 247 ¶2-3 (5 minit)

N. 3: ?Wanem Ya Tingting Daon, Mo i Givhan Ol-sem Wanem Long Yumi Blong Tingbaot Gudfala Saed Blong Ol Samting?—Sef. 2:3 (5 minit)

❑ Miting Blong Kingdom Wok:

Singsing 96

5 minit: Ol mesej.

15 minit: Yu Mas Mekem Gud Ol Visit. Tok wetem sam kwestin mo ansa. Yu save tokbaot ol kwestin ya se: (1) ?Evri taem we yumi mekem visit long wan man, from wanem i gud blong tingbaot samting we bambae yumi tijim long hem? (2) ?Taem yumi jes stat blong mekem visit long man, yumi mas storian wetem hem smolataem no longtaem? (3) ?Long fas taem we yumi gobak, bambae yumi talem wanem blong statem storian? (4) ?Yumi save talem wanem sipos man i talem se hem i no intres? (5) Sipos yumi mekem visit long man we i tekem wan traket, buklet, no magasin, ?wetaem nao i stret blong givim buk ya **Baebol Tijim** long hem, mo yumi save mekem samting ya olsem wanem? (6) ?Sipos yumi mekem visit long wan man be plante taem hem i no stap, yumi save mekem wanem blong pulum hem blong wantem save moa? (7) ?Long ol visit, yumi save mekem wanem blong trenem ol niufala pablisa?

15 minit: ?Wanem Samting We i Mekem 'Yu Yu Harem Gud Mo Yu Glad'? Kwestin mo ansa. Long haf 4, i gud yu pulum tingting blong evriwan se oli mas givim ripot blong prij evri manis. Yu save tokbaot sam bigfala tingting we oli stap long *Kingdom Wok Blong Yumi* blong Disemba 2006, pej 5-6 (*Organized*, pej 88-90).

Singsing 9 Mo Prea

?Wanem Samting We i Mekem 'Yu Yu Harem Gud Mo Yu Glad'?

¹ Taem en blong manis i kam mo yumi evriwan i givim ripot, ?wanem samting we i mekem "**yu** yu harem gud, yu glad"? (Sam 128:2) Maet yu yu spesel paenia mo yu givim ripot blong 130 aoa, no maet you

1. ?Long en blong evri manis, wanem samting we i mekem yumi glad?

save kasem 15 minit nomo long wok blong prij, be yumi evriwan i mas glad se yumi mekem wok blong Jehova long olgeta hat blong yumi.—Sam 100:2.

² Jehova i Hae Masta blong heven mo wol, taswe hem i gat raet blong kasem olgeta samting we i beswan. (Mal. 1:6) From we yumi lavem hem, yumi givim laef blong yumi long hem blong mekem ol samting we hem i wantem. Yumi yusum taem blong yumi, gudhan we yumi gat, mo paoa blong yumi blong mekem wok blong hem. Sipos long en blong dei no long en blong manis, yumi harem se ol samting ya we yumi givim oli beswan, yumi save glad from i olsem se yumi givim "ol fas kakae" blong gareri go long Jehova. (Prov. 3:9) Be sipos yumi harem long tingting blong yumi se samting we yumi givim i no beswan, ale i gud yumi tingbaot wanem we yumi save mekem blong kam gud moa.—Rom 2:15.

³ **I Nogud Yu Skelem Yu Wetem "Narafala Man":** I nogud yumi skelem wok blong yumi wetem wok blong narafala, mo i nogud yumi skelem wok we yumi mekem naoia wetem wok we yumi mekem bifo, taem yumi strong yet. Sam samting long laef blong yumi i save jenis. Ol samting we yumi wanwan i naf blong mekem oli defdefren. Taswe sipos yumi stap skelem wok blong yumi wetem wok blong narafala, maet bambae yumi wok blong winim narafala nomo, no maet bambae yumi ting nating long wok blong yumi. (Gal. 5:26; 6:4) Jisas i no skelem wan man wetem narafala man. Hem i talem ol gudfala tok long ol man wanwan from wok we oli naf blong mekem.—Mak 14:6-9.

⁴ Long wan parabol, Jisas i tokbaot tri man we oli holem mane blong masta blong olgeta. Hem i talem se masta i "makem save blong olgeta" mo i givim mane we i stret long wok we oli naf blong mekem. (Mat. 25:15) Taem masta i kambak mo i jekemap mane ya we i bin givim long olgeta, hem i luk hu i traehad blong mekem bes blong hem. Man we i traehad blong mekem gudfala wok, masta i talem gudfala tok long hem mo i singaot hem i kam joen long lafet blong hem. (Mat. 25:21, 23) Yumi save mekem bes blong yumi olsem ol man ya. !Taem yumi stap bisi long wok blong talemaot Kingdom, bambae Jehova i glad long yumi, mo yumi tu bambae yumi harem gud, yumi glad!

2. ?From wanem yumi mas traehad long wok blong Jehova?

3. ?From wanem i nogud blong skelem wok blong yumi wetem wok blong narafala?

4. ?Wanem bigfala lesen we yumi lanem long parabol blong Jisas?

WIK WE I STAT LONG JULAE 16

Singsing 101 Mo Prea

❑ Baebol Stadi Blong Kongregesen:

gt japta 97 (25 minit)

❑ Skul Blong Trenem Yumi Blong Tij:

Baebol riding: Esikel 15-17 (10 minit)

N. 1: Esikel 16:14-27 (no bitim 4 minit)

N. 2: ?Wanem Oi Tok We i Tru, We Jisas i Tokbaot Long Jon 18:37? (5 minit)

N. 3: ?Jisas Nao i Stanemap Lames?—rs-E pej 264 ¶1-pej 265 ¶5; rs-F pej 247 ¶4-pej 249 ¶4 (5 minit)

❑ Miting Blong Kingdom Wok:

Singsing 119

5 minit: Oi mesej.

10 minit: Yu Yusum Save We Yu Lanem Long Skul Blong Trenem Yumi Blong Tij, Blong Yu Prij Gud Moa. Brata we i lukaot long skul blong trenem yumi blong tij, bambaе i mekem tok ya we i stanap long buk ya *Ministry School*, long pej 6, haf 1, kasem en blong pej 8. Singaot wan no tu brata mo sista i kam antap, nao askem long tufala blong oli talemaot olsem wanem skul ya i givhan long olgeta blong prij.

20 minit: “Yumi Givhan Long Oi Man Blong Oli Lesin Long God.” Kwestin mo ansa. Afta we yu tokbaot haf 5, askem long wan brata no sista blong i soemaot olsem wanem blong seremoat wan long tufala buklet ya. Biaen, afta we yu tokbaot haf 6, askem wan brata no sista blong i soemaot olsem wanem hem i yusum *Listen to God* blong mekem Baebol stadi. Hem i storian long piјa long pej 4.

Singsing 120 Mo Prea

Yumi Givhan Long Oi Man Blong Oli Lesin Long God

¹ Long Asembli Blong Tri Dei, “!Kingdom Blong God Bambae i Kam!”, yumi kasem tu niufala buklet. Wan hemia *Yu Mas Lesin Long God Nao Bambae Yu Laef Olwe* mo narawan we i isi moa, hemia *Listen to God*, long Francis mo Inglis. From we i no gat plante toktok long tufala buklet ya, i isi blong tanem i go long nrafala lanwis. Taem buklet ya, *Yu Mas Lesin Long God Nao Bambae Yu Laef Olwe* i kamaot long Inglis, hem i kamaot tu long 431 lanwis.

1. ?Wanem tufala buklet we yumi kasem long asembli ya, “!Kingdom Blong God i Kam!”? ?Mo from wanem tufala buklet ya i gud?

² ?Tufala buklet ya bambaе i givhan long hu? Hemia sam samting we i hapen plante taem long olgeta ples long wol:

- Wan brata no sista i storian wetem wan man, maet long wok blong prij no taem hem i mekem wan visit, ale hem i faenemaot se man ya i no save rid, no i no rid gud.
- Wan brata no sista i storian wetem wan man we i toktok wan lanwis we yumi no gat ol buk we i stap long lanwis blong hem. No hem i faenem plante man we oli save toktok wan lanwis be oli no save ridim lanwis ya.
- Wan brata no sista i yusum saen lanwis blong storian wetem ol man we sora blong olgeta i fas.
- Wan papa mo mama i wantem tijim trutok long smol pikinini blong tufala we i no save rid yet.

3 Samting We i Stap Long Tufala Buklet

Ya: Long buklet ya *Listen to God* i gat softala toktok nomo, toktok blong hem i isi, mo i gat vas blong Baebol long en blong pej daon, we oli soemaot ol bigfala poen. ?From wanem i olsem? Yu traem tingbaot se wan man i givim wan buk long yu long wan lanwis we yu no save ridim, mo maet yu no save raeting blong hem. ?Olsem wanem? ?Bambae yu yu glad blong ridim, nating se i gat ol naesfala piјa long hem? Ating nogat. Long sem fasin, ol man we oli no save rid, bambaе oli no glad blong ridim ol buk we i gat turmas toktok long hem. Taswe, taem man i lukluk wan pej blong buklet ya, samting we i pulum ae blong hem, hemia ol piјa wetem ol ara we i pulum olgeta i go long nekis piјa.

Listen to God



⁴ Ol piјa long tufala buklet ya oli sem mak.

- 2. ?Tufala buklet ya bambaе i givhan long hu?
- 3. ?Wanem samting i stap long buklet ya, *Listen to God*?
- 4. ?Wanem samting i stap long buklet ya, *Yu Mas Lesin Long God Nao Bambae Yu Laef Olwe*?

Buklet ya *Yu Mas Lesin Long God Nao Bambae Yu Laef Olwe*, hem i blong givhan long ol man we oli no save ridgud no we oli stap lanem blong rid. Man we i mekem stadi, i save yusum buklet ya taem hem i stadi wetem man

i stap tokbaot. Sipos hem i yusum buklet ya *Yu Mas Lesin Long God Nao Bambae Yu Laef Olwe*, yutufala i save ridim ol smol tok mo ol vas we oli joen long ol pija.

⁷ Yu Givhan Long Studen Blong i Gohed Gud:

Taem yu mekem stadi long ol buklet ya, maet samting ya bambae i pulum hem blong i wantem rid, blong i save moa Jehova. (Mat. 5:3; Jon 17:3) Taswe, sipos yu yusum buklet ya *Listen to God*, sloslo yu save askem studen sipos yu save tijim hem blong rid. Ale, yu save yusum nrafala buklet ya, *Yu Mas Lesin Long God Nao Bambae Yu Laef Olwe*. Yu mas tingbaot se taem studen i finisim stadi long tufala buklet ya, hem i no rere yet blong baptaes. Yu mas yusum buk ya *Baebol Tijim* no wan nrafala buk blong stadi, blong givhan long hem blong i kase sem save moa long ol trutok blong Baebol.


⁸ Ol man oli mas lesin long Hae Rula blong heven mo wol, sipos oli wantem laef olwe. (Aes. 55:3) Mo Jehova i wantem se “olgeta man,” wetem olgeta tu we oli no save rid, oli lanem blong lesin long hem. (1 Tim. 2:3, 4) !Yumi glad tumas we yumi save yusum tufala buklet ya blong tijim ol man blong oli lesin long God!

7. ?Yu save mekem wanem blong givhan long studen blong i goheda gud?

8. ?From wanem yumi glad long tufala buklet ya we yumi save yusum long wok blong prij?

Rod Blong Seremaot Tufala Buklet Ya

Yu tanem buklet i go long pej 2-3, mo yu askem long man se: “?Yu yu wantem laef long wan ples olsem? [Yu letem man i ansa.] Baebol i promes se i no longtaem, God bambae i mekem wol ya i kam wan naesfala ples we bambae i no moa gat man i pua, mo i sik. Yu traem luk samting we yumi mas mekem blong yumi save stap long naesfala ples ya. [Yu ridim Aesea 55:3, we i stap antap long pej 3.] Vas ya i talem se yumi mas ‘kam’ long God mo yumi ‘lesin’ long hem. ?Be yumi mekem olsem wanem blong lesin long God?” Yu tanem i go long pej 4-5, mo yu tokbaot ansa wetem hem. Sipos hem i bisi, yu givim buklet long hem mo yu mekem plan blong kambak mo tokbaot buklet ya wetem hem.



yu save tokbaot wetem studen blong yu, sipos i stret long hem.

⁵ Olsem Wanem Blong Yusum Tufala Buklet Ya: Sipos yu luk se i stret, yu save givimaot wan long tufala buklet ya long man we yu prij long hem, nating se i no buk we yumi stap seremaot long manis ya. (Yu lukluk bokis ya “Rod Blong Seremaot Tufala Buklet Ya.”) Yu save givim buklet ya long man we yu visitim. Yu save talem long hem se yu gat wan samting blong givim long hem, ale yu givim buklet ya long hem.

⁶ Long buklet *Listen to God*, i no gat ol kwes tin. Taswe, fasin blong mekem stadi long hem, i defren long fasin we yumi folem taem yumi mekem stadi long buk ya *Baebol Tijim*. Long plante ples, ol man oli laekem blong harem ol stori. Yu save yusum ol piya blong tokbaot ol stori we oli stap long Baebol. Yu eksplenem wanem we ol piya ya oli soemaot. Yu save toktok wetem glad. Yu askem tingting blong studen. Yu ridim ol vas we oli stap daon long pej, mo yu pulum hem blong tingbaot samting we vas i talem. Yu askem kwestin we i pulum hem blong talemaot tingting blong hem, mo blong luk sipos hem i kasem save wanem we yutufala

5. ?Wetaem mo olsem wanem blong seremaot tufala buklet ya?

6. ?Olsem wanem blong yusum tufala buklet ya blong mekem stadi wetem man?

WIK WE I STAT LONG JULAE 23

Singsing 43 Mo Prea

❑ Baebol Stadi Blong Kongregesen:

gt japta 98 (25 minit)

❑ Skul Blong Trenem Yumi Blong Tij:

Baebol riding: Esikel 18-20 (10 minit)

N. 1: Esikel 19:1-14 (no bitim 4 minit)

N. 2: ?Wanem Fasin We Kristin i Mas Mekem Long Gavman?—(rs-E pej 270 ¶1-3, rs-F pej 263 ¶3-pej 264 ¶2) (5 minit)

N. 3: ?Wanem Mining Blong Matiu 21:43? (5 minit)

❑ Miting Blong Kingdom Wok:

Singsing 10

5 minit: Ol mesej.

10 minit: Yusum Gud Pija, Map, Mo Narafala Samting We Man i Save Luk. Tok we i stanap long buk ya *Ministry School*, pej 247 kasem pej 249, haf 2. Askem long tu brata no sista blong tufala i soemaot olsem wanem blong folem wan no tu advaes long ol haf ya.

20 minit: Jehova i Stap Lesin Long Prea. (Sam 66:19) Tok wetem sam kwestin mo ansa we i stanap long 2012 *Yearbook*, pej 59 haf 1-4, mo pej 183 haf 2, mo pej 186 haf 4, mo pej 198 haf 1 kasem pej 199 haf 1. Yu askem long ol brata mo sista blong oli talem wanem samting we oli lanem.

Singsing 56 Mo Prea

Yu Mas Faenem Ol Man Ya Fastaem, Nao Yu Save Prij Long Olgeta

¹ Long lafet blong Pentekos long yia 33 K.T.*, i gat plante man blong ol narafala kantri i stap. Taem tabu spirit i kamdaon long ol disaepol blong Jisas, olgeta ‘oli stat toktok long ol lanwis blong ol narafala man ya.’ (Wok 2:4) From samting ya, samwe long 3,000 man oli baptaes. I luk olsem se ol man we oli kam long ol narafala ples oli kasem save long lanwis Hibru no Grik. Nating se i olsem, Jehova i wantem se oli harem ol tok blong Kingdom long prapa lanwis blong olgeta. Hemia from we, taem man i harem gud nius long

* K.T. i minim Kristin Taem.

1. ?From wanem ol brata mo sista we oli toktok lanwis blong ol man blong ol narafala kantri, oli prij long ol man ya long prapa lanwis blong olgeta?

WIK WE I STAT LONG JULAE 30

Singsing 131 Mo Prea

❑ Baebol Stadi Blong Kongregesen:

gt japta 99 (25 minit)

❑ Skul Blong Trenem Yumi Blong Tij:

Baebol riding: Esikel 21-23 (10 minit)

N. 1: Esikel 23:35-45 (no bitim 4 minit)

N. 2: ?Lav Blong God i Bigwan Olsem Wanem? —Jon 3:16; Rom 8:38, 39 (5 minit)

N. 3: Ol Vas We Oli Pulum Kristin Blong i No Joen Long Faet Blong Kilim Man i Ded—rs-E pej 271 ¶1-4; rs-F pej 264 ¶3-pej 265 ¶3 (5 minit)

❑ Miting Blong Kingdom Wok:

Singsing 3

10 minit: Ol mesej. Wan brata no sista i yusum fastok long pej 8 blong soemaot olsem wanem blong statem Baebol stadi long fas Sarede long manis Ogis.

25 minit: “Yu Mas Faenem Ol Man Ya Fastaem, Nao Yu Save Prij Long Olgeta.” Elda we i lukaot long wok blong prij i mekem kwestin mo ansa. Hem i tokbaot wanem we kongregesen i save mekem blong folem ol advaes ya. Maet i gat wan grup blong narafala lanwis long kongregesen. Maet kongregesen nomo i blong narafala lanwis. Long taem olsem, ol brata mo sista oli mas traem faenem ol man we oli toktok lanwis ya. Taswe, taem yu kasem haf 5, tu brata no tu sista i save soemaot olsem wanem yumi save mekem wok ya blong traem faenem ol man blong narafala lanwis.

Singsing 92 Mo Prea

prapa lanwis blong hem, hem i lesin moa. Taswe, long taem blong yumi tu, sipos i gat ol man blong plante defren kantri oli stap long wan ples, ol brata mo sista we oli toktok lanwis blong ol man ya oli prij long olgeta long **prapa lanwis blong olgeta.** (*Organized*, pej 107, haf 2-3) Ol grup we oli toktok narafala lanwis, oli no gat wan stret ples we oli prij long hem. Be oli go long ol defdefren eria blong prij long ol man we oli toktok lanwis blong olgeta. Maet ol man ya oli stap long teritori blong kongregesen we grup ya i joen long hem, no long teritori blong ol kongregesen raonabaot.

² Sipos yu stap long wan ples we ol man oli tok-

2. (a) ?Wanem spesel wok we yumi mas mekem? ?Yumi mekem wok ya weples? (b) ?Ol kongregesen blong ol defdefren lanwis we oli stap long wan taon, oli save mekem wanem blong givgivhan long olgeta? (c) ?Sipos wan brata no sista i faenem wan man blong narafala lanwis we i wantem save moa, hem i mas mekem wanem?

tok sem lanwis nomo, yu save prij long evri haos. Be i no olsem taem yu stap long wan taon we i fulap long ol man blong plante defren kantri. Maet ol kongregesen blong ol defdefren lanwis oli stap prij long taon ya. Sipos olgeta ya oli faenem ol man we oli toktok lanwis blong kongregesen blong yufala, oli save talemaot long yufala. Be bigfala wok blong faenem ol man ya i stap long han blong yufala nomo. (Lukluk bokis ya "Yumi Givgivhan Long Yumi.") Taswe yu save joen long wan spesel wok blong faenem olgeta. Long wok ya, yu askem long ol man sipos oli save samfala we oli toktok lanwis blong yu. ?Bambae yu mekem wok ya olsem wanem?

³ ?Yumi Folem Wanem Plan Blong Mekem

Wok Ya? ?Yumi mas spenem hamas taem blong traem faenem ol man blong narafala lanwis? Hemia i dipen long plante samting long ples blong yumi. I gud yumi tingbaot se: ?Hamas man long ples blong yumi oli toktok lanwis ya? ?Hamas man oli stap talemaot gud nius long lanwis ya? ?I gat nem blong hamas man finis we grup no kongregesen ya i save prij long olgeta? I no nid blong kongregesen i mekem bigfala wok long evri haf blong teritori blong hem. Maet oli save mekem wok ya long ol haf blong teritori we plante man oli stap long hem. Mo oli save mekem sem mak long ol teritori we oli no longwe tumas. Be i mas gat wan plan blong mekem wok ya. Olsem nao, plante moa man oli save gat janis blong sing-aot God long nem blong hem Jehova.—Rom 10: 13, 14.

⁴ Blong mekem se tu grup i no wok long sem teritori, kampani blong ol elda, antap moa elda we i lukaot long wok blong prij, i mas mekem plan blong wok ya, mo i mas lukaot long hem. (1 Kor. 9:26) Taem i gat wan grup blong narafala lanwis long wan kongregesen, kampani blong ol elda long kongregesen ya i jusum wan brata long grup ya blong i lidim wok ya. I moagud sipos brata ya i wan elda no i wan man blong givhan. Plante kongregesen mo grup oli mekem sam smosmol wok fastaem we i givhan long olgeta blong oli faenem ol man ya. Maet oli yusum buk blong telefon no Intenet blong faenem nem blong ol man we oli toktok lanwis ya. Nao oli ringim ol man ya long telefon no oli go long haos blong olgeta, blong

3. ?Kongregesen i mas tingbaot wanem samting, blong i save weples blong mekem wok ya mo hamas taem blong spenem?

4. (a) ?Yumi folem wanem plan blong mekem wok ya? (b) Traem talem sam rod blong faenem ol man we oli toktok lanwis blong yu.

oli faenemaot sipos adres blong olgeta i mas stap long lis blong olgeta. Maet ol elda long kongregesen we grup blong narafala lanwis i stap long hem, oli luk se sam samtaem i stret blong mekem wan plan. Plan ya se oli askem long evriwan long kongregesen we oli stap prij, blong oli joen long wok ya blong traem faenem ol man blong narafala lanwis ya.—Lukluk bokis ya "Sam Rod Blong Faenem Olgeta We Oli Toktok Lanwis Blong Yu."

⁵ Taem yumi joen long wok ya blong traem faenem ol man, tingting blong yumi wanwan i mas klia gud se yumi mekem wok ya blong wanem. Mo yumi mas jenis gud, from we hemia i olsem wok blong prij nomo. Plante brata mo sista oli luk

5. (a) ?Wanem advaes i go long olgeta we oli mekem wok ya? (b) ?Taem yumi mekem wok ya, yumi save talem wanem long ol man?

Yumi Givgivhan Long Yumi

Taem wan grup no kongregesen we i toktok narafala lanwis i nidim help blong faenem ol man blong lanwis ya, elda we i lukaot long wok blong prij i save askem long ol elda blong ol kongregesen we oli stap klosap. I moagud blong askem nomo long olgeta we oli klosap no olgeta we oli gat plante man long teritori blong olgeta we oli toktok lanwis ya. Olsem nao, ol kongregesen ya oli save talem long ol brata mo sista se sipos oli faenem wan man we i toktok lanwis ya, oli mas raetemdaon nem, mo adres, mo lanwis blong hem. Afta, oli save givim long elda we i lukaot long wok blong prij no long wan narafala brata we hem i jusum. Nao elda ya bambae i givim ol adres ya long kongregesen no grup we i bin askem help. Ol elda we oli lukaot long wok blong prij long ol kongregesen ya, oli save mekem wan plan we evriwan oli agri long hem, blong wok long ol teritori we i gat ol man blong ol narafala lanwis oli stap long hem, mo blong lidim ol man we oli intres oli go long kongregesen no grup we i stret long olgeta.

Sipos wan brata no sista i faenem wan man blong narafala lanwis (no wan man we i nam-but) **we hem i intres bigwan, kwiktaem nomo** hem i mas fulumap pepa ya *Please Follow Up* (S-43). Nao hem i givim pepa ya long sekretari blong kongregesen blong hem. Olsem nao, man ya bambae i kasem help **kwiktaem** blong hem i save fren gud wetem God. —Lukluk km 5/11 pej 3.

se i gud blong lanem ol fastok long lanwis. Hemia i givhan long olgeta blong oli stap glad long wok ya mo blong oli kam gud moa long lanwis ya. Yumi save kaontem ol aoa we yumi spenem long wok ya blong faenem ol man, be yumi no kaontem ol aoa blong raetem ol lis mo droem ol map. Taem yu faenem wan man we i toktok lanwis blong yu, yu mas talemaot gud nius long hem. Nao yu go talem kwiktaem long elda we i lukaot long wok blong prij no long brata we hem i jusum, blong hem i save raetemdaon ol save we yu givim. Yu mas mekem olsem, nating se man ya i lesin no i no lesin. Wok ya blong faenem ol man blong narafala lanwis i impoten. Be yumi no mas spenem olgeta taem blong yumi long wok ya nomo. Yumi mas skelem gud wetem ol narafala haf blong wok blong prij tu.—Lukluk bokis ya “?Bambae Mi Mi Talem Wanem?”

⁶ Yumi Traem Faenem Olgeta We Oli Nambut: Wok ya blong faenem olgeta we oli nambut i had moa. Yumi mas traehad bigwan mo yumi no mas lego. Taem yumi mitim wan man, yumi no luksave sipos hem i nambut from klos blong hem no from nem blong hem nomo. Mo tu, plante taem ol famle mo ol fren blong ol nambut oli no glad blong givim save long yumi. Ol advaes we i kam biaen i save givhan long yumi blong yumi faenem olgeta we oli nambut. Mo i save givhan long yumi tu blong yumi faenem olgeta we oli toktok narafala lanwis.

⁷ Long sam grup mo kongregesen blong ol nambut, oli luk se i gud blong go long haos blong ol man, mo blong askem long olgeta sipos oli save sam man olsem. Ating man blong haos i save wan man we i stap mekem saen long han blong hem blong toktok. Maet man ya i stap klosap long hem, maet hem i wok wetem hem, no maet hem i wan yangfala long skul. Ating hem i save wan ples we i gat saen long rod, blong talem long ol man se oli mas lukaot from we ol pikinini we oli nambut oli stap pas long ples ya. Ating hem i gat wan famle we i nambut. Yu mas tingbaot se maet hem i no trastem yu. Be yu save mekem se hem i no fraet, sipos yu toktok long hem olsem wan fren, mo yu go stret long poen, mo yu tok tru, mo yu soemaot respek. Samfala oli luk se i gud blong soem Baebol no DVD long saen lanwis. Afta, oli tokbaot smol se oli wantem talemaot sam gudfala

6. ?From wanem i had moa blong faenem olgeta we oli nambut?

7. (a) ?Yumi save go long haos blong ol man mo askem wanem long olgeta? (b) ?Yumi save mekem wanem blong man blong haos i trastem yumi?

promes blong Baebol long ol man olsem. Sipos man blong haos i no glad blong givim save long yu, maet hem i glad blong karem nem mo adres blong yu, no wan pepa we i talemaot ol miting blong kongregesen. Hem i save givim samting ya long fren no famle blong hem we i nambut.

⁸ Maet wan kongregesen blong ol nambut i stap long wan bigfala taon we i gat plante teritori long hem. Long wan no tu dei evri yia, oli save sing-aot wan narafala kongregesen we i klosap mo i toktok narafala lanwis, blong i givhan long olgeta blong oli faenem olgeta we oli nambut. Kongregesen blong ol nambut bambae i lidim miting blong prij. Long miting ya, oli givim advaes

8. ?Wan narafala kongregesen i save givhan olsem wanem long kongregesen blong ol nambut?

Sam Rod Blong Faenem Olgeta We Oli Toktok Lanwis Blong Yu

- Yu askem long ol narafala, maet olgeta we yu stadi Baebol wetem olgeta, no ol famle blong yu, no ol man we yu wok wetem olgeta, no sam narafala man bakegen.
- Yu lukluk long buk blong telefon blong faenem nem blong ol man we oli toktok lanwis blong yu. Maet kampani blong telefon i save givim lis blong ol nem mo adres blong ol man we yu yu gat namba blong olgeta nomo, no maet yu save faenem wan lis olsem long Intenet.
- Yu go long ol ples we ol man oli save go long olgeta blong faenemaot samting, olsem ol publik laebri, mo ol ofis blong gav-man, mo ol kolej.
- Yu ridim niuspepa blong ples blong yu. Maet i gat sam mesej we oli talemaot sam samting we ol grup blong ol narafala lanwis bambae oli mekem.
- Yu go long ol stoa we plante man blong ol narafala lanwis oli stap go long olgeta.
- Yu askem long sam stoa, no long yunivesiti, no long epot, no long wof, no long maket, sipos yu save putum wan tebol blong soem ol buk blong yumi long lanwis blong yu.
- Sipos i stret long loa blong kantri, yu save pem wan buk blong telefon we i gat nem blong ol kampani blong mekem bisnes i stap long hem, no wan program blong kompiuta we i lukaot ol nem long Intenet.

oli soemaot olsem wanem blong mekem wok ya. Taem oli seraot long ol grup blong prij, long olgeta grup ya i mas gat wanwan brata no sista we i nambut. Mo ol grup wanwan bambae i karem wan teritori blong wok long hem.

⁹ Yu save faenem olgeta we oli nambut sipos yu go long ol ples we oli hivap long hem blong storian, no blong pleplei, no blong kasem help we oli gat raet blong kasem. Yu mas werem klos we i stret long ples we yu go long hem. I moagud yu traem toktok long wan no tu man, i bitim we yu toktok long grup. Mo yu toktok long kwaet fasin nomo we i no pulum ae blong ol man. Sipos oli glad blong storian, ating bambae oli talem nem mo adres blong olgeta long yu, mo yu save mekem sem mak.

¹⁰ Wan nrafala rod, se yufala i save gat ol map blong ples blong yufala, we oli makem ol ples blong bisnes long olgeta, nao long wan stret taem, yufala i save go luk ol bisnes man ya. Long wan map, maet oli makem ol stesen blong bensin. Long nrafala map, maet oli makem ol ples blong wasem klos, no ol restoron, no ol hotel, no wan nrafala bisnes. I moagud we i gat sem kaen bisnes nomo long wan map. Olsem nao, olgeta we oli prij oli save yusum sem fastok, mo taem oli mekem bakegen mo bakegen, bambae oli kam gud moa long hem. Traem tingbaot: Plante taem ol man we oli nambut oli stap long ol hotel. Maet yu go long ofis blong hotel nao yu eksplenem wok blong yu long man we i stap long ofis ya. Yu save givim wan envelop long hem we i gat DVD insaed long hem mo wan pepa blong singaot man i kam long miting blong kongregesen. Yu save askem long man ya blong i pasem envelop ya i go long enimana long hotel we i nambut. Long sam ples blong bisnes, yu save askem nomo sipos i gat sam wokman no sam kastoma we oli nambut. Maet long teritori blong yu i gat wan skul blong ol nambut. Yu save askem long ofis blong skul ya sipos yu save putum sam DVD blong ol buk blong yumi long laebri, blong ol nambut oli save luk-luk.

¹¹ **Wan Wok We i Impoten:** Taem yumi mekem wok ya blong faenem ol man we oli toktok lanwis blong yumi, yumi save kam taed, mo

9. ?Yu save mekem wanem taem yu go long ol ples we ol nambut oli hivap long hem?

10. ?Ol brata mo sista oli save mekem wanem, taem oli go long ol ples blong bisnes blong faenem ol man we oli nambut?

11. ?From wanem wok ya blong faenem ol man i wan impoten haf blong wok blong prij?

wok ya i no isi. Mo tu, sam ples oli jenis kwik, from we plante man oli muvaot mo ol nrafala man oli kam. Hemia i mekem se oltaem kongregesen i mas mekem ol jenis ya long lis blong ol nem mo adres we hem i holem. Nating se i olsem, long plante moa ples, wok ya blong faenem ol man blong ol nrafala lanwis i stap kam wan impoten haf blong wok blong prij. Jehova nao i givim wok long yumi blong prij. Hem i wantem we yumi mekem i sem mak long olgeta man, olsem we hem i stap mekem. (Wok 10:34) Hem i "wantem sevem olgeta man, mo i wantem we olgeta man bambae oli save trutok blong hem." (1 Tim. 2:3, 4) Taswe, yumi mas wok gud wetem Jehova mo wetem ol brata mo sista blong yumi, blong yumi faenem ol man blong ol nrafala lanwis we 'oli gat gudfala tingting, nao oli harem tok blong hem.'—Luk 8:15.

?Bambae Mi Mi Talem Wanem?

Sipos ol tok blong yu i kamaot long hat, mo yu toktok olsem wan fren, mo yu go stret long poen, bambae ol man oli trastem yu. Plante taem i gud yu soem wan buk blong yumi fastaem long lanwis ya.

Yu talem halo long man, nao yu save talem se: "Mifala i stap traehad blong faenem ol man we oli toktok ____ lanwis. Mifala i wantem tokbaot ol promes blong Baebol wetem olgeta. ?Yu yu save wan man we mifala i save storian wetem hem?"

Taem yu traem faenem ol man we oli nambut, yu save talem se: "Halo. ?Yu yu glad si pos mi soem wan samting long yu? [Yu yusum wan smol masin we yu karem wetem yu, blong soem wan vas blong *New World Translation* long DVD.] Hemia wan vas blong Baebol long Saen Lanwis Blong Ostrelia. Mifala i gat plante nrafala DVD we mifala i givim fri nomo long ol man we oli nambut. Ol DVD ya oli blong givhan long olgeta blong oli save God mo blong oli fren gud wetem hem. ?Yu yu save wan man we i nambut, no wan man we i yusum saen lanwis from we hem i no save harem evri samting?" Maet man blong haos i no save tingbaot wan man. I gud yu askem long hem si pos hem i bin luk wan man olsem long wok, no long skul, no long wan ples klosap long haos blong hem.

WIK WE I STAT LONG OGIS 6

Singsing 60 Mo Prea

❑ Baebol Stadi Blong Kongregesen:

gt japtia 100 (25 minit)

❑ Skul Blong Trenem Yumi Blong Tij:

Baebol riding: Esikel 24-27 (10 minit)

N. 1: Esikel 24:15-27 (no bitim 4 minit)

N. 2: ?From Wanem God i Letem Ol Man Isrel Oli Mekem Faet?—rs-E pej 271 ¶5-pej 273 ¶1; rs-F pej 265 ¶4-pej 266 ¶4 (5 minit)

N. 3: ?Tok Blong Esikel 18:20 i Agensem Tok Blong Eksodas 20:5? (5 minit)

❑ Miting Blong Kingdom Wok:

Singsing 88

5 minit: Ol mesej.

10 minit: ?Yu Yu Rere From Ol Samting We Bambae Oli Traem Yu Long Skul? Tok wetem sam kwestin mo ansa. Askem long olgeta we oli lesin, blong oli tokbaot sam samting we i traem ol yangfala blong yumi long skul. Tokbaot olsem wanem ol papa mama oli save yusum ol buk olsem *Index* mo Ol Yangfala Oli Askem, mo sam naraafala buk mo DVD, blong givhan long pikinini blong rere from ol samting we i save traem hem mo blong hem i save talemaot bilif blong hem. Ol papa mama oli save mekem olsem long Famle Wosip. (1 Pita 3:15) Jusum wan no tu samting we i traem ol yangfala, mo tokbaot ol save long ol buk blong yumi we oli save givhan long olgeta. Askem long olgeta we oli stap lesin blong oli talem wanem samting we oli mekem blong talemaot bilif blong olgeta taem oli stap long skul.

10 minit: Lokol nid.

10 minit: Sam Tingting Blong Seremaot Magasin Long Manis Ogis. Tok wetem sam kwestin mo ansa. Long wan minit, tokbaot sam haf long ol magasin we oli save pulum tingting blong ol man. Biaen, jusum ol fas stori long *Wajtaoa*, mo askem long ol brata mo sista blong oli talem sam kwestin we i save pulum tingting blong man, mo wanem vas we oli save yusum. Mekem sem mak wetem ol fas haf blong *Wekap!* Sipos i gat taem, yu save tokbaot wan naraafala haf long *Wajtaoa* no *Wekap!* Askem long tu brata mo sista blong seremaot olsem wanem blong seremaot tufala magasin ya.

Singsing 97 Mo Prea

Advaes

- Buk we yumi seremaot long **Juliae Mo Ogis:** Eniwan long ol buklet ya we i gat 32 pej blong hem: ?*Wanem Bambae i Hapen Long Yumi Taem Yumi Ded?*, *Taem Wan We Yu Laekem Hem Tumas i Ded, Speret Blong Ol Dedman?*—?Oli Save Halpem Yu No Spolem Yu? ?Oli Rili Stap?, !*Yu Save Kam Fren Blong God!* Taem yu go luk man baken, yu traem statem wan Baebol stadi long buk ya *Bae-*

bol Tijim. Sipos no, yu save yusum buklet ya *Yu Mas Lesin Long God Nao Bambae Yu Laef Olwe*. **Septemba Mo Oktoba:** *Wajtaoa* mo *Wekap!* Taem yu go luk man baken, yu save givim buk ya *Baebol Tijim* mo yu traem statem Baebol stadi. Sipos no, yu save yusum buklet ya *Yu Mas Lesin Long God Nao Bambae Yu Laef Olwe*.

■ Stat long namba 1 Ogis, *Sing to Jehovah—Vocal Renditions*, CD namba 5 bambae i stap long Websaet ya jw.org. Bambae CD ya i kamaot fastaem long Inglis, mo biaen bambae i kamaot long sam naraafala lanwis baken. Yu save putum oda blong ol CD long ples blong ol buk long kongregesen. Plis tingbaot se i sas blong wokem ol CD mo sanem long sip mo plen. Taswe sipos yu gat Intenet, i moagud yu go long Websaet ya blong kopli long ol singsing ya i bitim we yu putum oda long kongregesen. Plis tingbaot tu se, CD namba 1 kasem 4 oli stap finis.

■ Bambae yufala i save jenisim program blong miting long wik bifo long Asembli Blong Tri Dei, blong tokbaot baken sam save we i stap long *Kingdom Wok* long saed blong asembli ya. Wan no tu manis afta long asembli ya, long haf blong lokol nid, yufala i save mekem tingting-bak long ol bigfala tingting blong asembli we ol publisa oli luk se i givhan long olgeta long wok blong prij.

Ol Fastok

Blong Statem Ol Baebol Stadi Long Fas Sarede Blong Manis Ogis

“Plante taem, Baebol i tokbaot ol enjel. ?Yu ting se ol enjel oli olsem wanem? [Letem man i ansa.] *Wajtaoa* ya i tokbaot ansa blong kwestin ya.” Yu givim *Wajtaoa* blong Ogis 1 long hem, mo yu tokbaot ol save we i stap long fas kwestin long pej 16. Yu save ridim wan no tu vas we i stap. Yu mekem plan blong kambak baken blong tokbaot nekis kwestin.

WAJTAOA Ogis 1 I TALEMAOT KINGDOM BLONG JEHOVA

Ridim Ol Sam 65:2. Nao yu save talem se: “Plante man oli bilif se God i ‘stap ansa long ol prea blong yumi,’ taswe oli prea evri dei. Be i gat sam man we oli stap tingting se, ‘Sipos i tru se God i stap, ?from wanem i gat plante trabol?’ ?Wanem tingting blong yu? ?I tru se God i stap harem ol prea blong yumi? [Letem man i ansa.] *Wajtaoa* ya i tokbaot ansa we Baebol i givim long kwestin ya se: ?From wanem God i no blokem ol trabol?’”

Wekap! Juliae-Septemba

Ridim Jon 8:31, 32 mo askem long man se: “?Yu ting se ‘trutok’ i mekem yumi fri long wanem?” [Letem man i ansa.] Soem haf we i stap long pej 10 mo 11.